

სოფ. მამიშლოში წყლის სათავეზე წყალშემკრებების მოწყობის და მაგისტრალური ხაზის რეაბილიტაციის საპროექტო სამუშაოები

საპროექტო ტერიტორია მდებარეობს დმანისის მუნიციპალიტეტის სოფელ მამიშლოს მიმდებარე ტერიტორიაზე სოფლიდან დაახლოებით 1 კილომეტრში.

არსებული მდგომარეობა: არსებული წყალშემკრებიდან, რომელიც არის სოფლიდან დაახლოებით 800 მეტრში ამ ეტაპზე სოფელს წყალი არ მიეწოდება ვინაიდან მილი არ არის ღმად მოწყობილი მიწაში და სავარაუდოდ გაყინულია. ასევე დებეტი არის მცირე, და დონეთა მცირე სხვაობის გამო შეფერხებით მიეწოდება წყალი სოფელს. საჭიროა ახალი წყალშემკრების მოწყობა და სოფლის მიმდებარედ მცირე რეზერვუარის მოწყობა სადაც მოხდება წყლის შეკრება და სოფელში განაწილება. საჭიროა არსებული მდგომარეობის შეფასება და საჭიროების შემთხვევაში ძველი კაპტაჟის მაგივრად სხვა ლოკაციაზე ახალი შემკრების მოწყობა და ახალ საპროექტო რეზერვუარამდე მილსადენის მოწყობა.

პროექტირებისას საპროექტო ორგანიზაცია ვალდებულია გაითვალისწინოს რომ აღნიშნული პროექტი ხორციელდება სოფლის პროგრამის თანხით, რომელზეც განსაზღვრული ლიმიტი არის 30000 ლარი და პროექტის ღირებულებამ არ უნდა გადააჭარბოს აღნიშნულ თანხას.

(სამუშაოების სავარაუდო თანხა 30000)

ტექნიკური დავალება

საპროექტო-სახარჯთაღრიცხვო დოკუმენტაციის შემადგენლობა:

1. თავფურცელი – ობიექტის დასახელება და მისამართი;
2. პროექტის შემადგენლობა და ნახაზების უწყისი;
3. განმარტებითი ბარათი, (განმარტებითი ბარათი უნდა იყოს ვრცელი და დეტალურად უნდა იყოს აღწერილი სამუშაოები) ობიექტის კლასის მითითებით, ტექნიკური მაჩვენებლები;
- 4 ა) შემკრების და წყლის მაგისტრალის მოწყობის სიტუაციური სქემა.
ბ) საჭიროების შემთხვევაში, წყალსადენის მაგისტრალის გეგმა: ჭების კვანძებისა და შესაბამისად მათი ნიშნულების დატანით;
5. ტექნოლოგიური ნაწილის ნახაზები (საჭიროების შემთხვევაში);
9. საპროექტო შემკრების პროექტი (მუშა ნახაზი, გეგმა, ჭრილები,)
10. ზოგად-გეოლოგიური კვლევა, გრუნტის კატეგორიის მითითებით; (საჭიროების შემთხვევაში).
11. სამუშაოთა მოცულობის და მასალების კრებსითი უწყისი;
12. სახარჯთაღრიცხვო დოკუმენტაცია (ლოკალური ხარჯთაღრიცხვა, კრებსითი ხარჯთაღრიცხვა) შედგენილი საქართველოში მოქმედი სამშენებლო ნორმების და წესების შესაბამისად.
13. საპროექტო-სახარჯთაღრიცხვო დოკუმენტაციის 3 (სამი) ეგზემპლარი (ელექტრონული ვერსიით PDF; Excel; DWG);

ასევე მუშა პროექტით გათვალისწინებული უნდა იყოს: სამუშაოების წინასწარი რესურსული სახარჯთაღრიცხვო ღირებულების დოკუმენტაციის მომზადება, ყველა არსებული გადასახადების გათვალისწინებით. სხვა დამატებითი აუცილებელი ჩასატარებელი სამუშაოები, ობიექტის ადგილზე შესწავლის შემდეგ, საპროექტო ჯგუფის მიერ წარმოდგენილი უნდა იყოს მის წინადადებაში.

შენიშვნა: ობიექტზე სამუშაოების შესრულების პროცესში უნდა გაუწიოს საავტორო ზედამხედველობა; იმ შემთხვევაში, თუ ობიექტზე სამუშაოების მიმდინარეობის პროცესში აღმოჩნდება საპროექტო-სახარჯთაღრიცხვო დოკუმენტაციით გათვალისწინებული დამატებითი სამუშაოების შესრულების აუცილებლობა ან რაიმე ცვლილების განხორციელება, დამატებითი საპროექტო-სახარჯთაღრიცხვო დოკუმენტაციის შედგენა განხორციელდება ანაზღაურების გარეშე.